

## **KANUKOKA-mit ilaasortaajunnaarnermi kingunerisassanik suliarinninnissamut pilersaarutit**

Ilisimatitsissut

J.nr.: 00.06.01

Borgmesterip Allatseqarfia – Pisortaaneq, Ulrich-Lynge / STUL og direktør Marie Fleischer / MFLE

### **Suliassamikeqikkaaneq**

2015-imi juunip ulluisa aqqarngani suliassamik saqqummiussinermi KANUKOKA-mit ilaasortaajunnaarnermi kommunimut kingunerisassanik nalilersuinernik ingerlatsivimmi qulaajaanernik Aningaasaqarnermut ataatsimiititaq saqqummiussiffigineqarpoq. Tassunga tunngatillugu ingerlatsivinni sulisut kvartalit sisamaanni Aningaasaqarnermut ataatsimiititamut ilisimatitsissutissanik kingunerisassanik pilersaarusoqquneqarput.

Qulaajaanerup ingerlatsivinnit akisussaasunit nalilersuinernik tunngaveqartup ulluinnarni sulinerni ingerlatsiviit KANUKOKA-mut inatsisinik paasinnittarneq nassuiaanerlu eqqarsaatigalugit apeqqutinut, suliatigut ikorfartoqatigiinnernut aamma ingerlatsivinni suliassaqaqfinni tigussaasuni ilisimasanik avitseqatigiinnernut ataasiakkaaginnarnut attuumassuteqartut takutippaa. Taamaattumik kingunerisassat ima ikitsigimmata pineqartut pillugit tigussaasunik pilersaarusiortoqartariaqaqngitsaq pisortaqaqatigiit naliliipput. .

KANUKOKA-mi pissutsini kommunimiit ataasiakkaanik Namminersorlutik Oqartussanut isumaqatigiissusiornissamut qinnuteqaateqartoqarsinnaavoq. KANUKOKA-mut tunngatillugu Kommuni Namminersorlutik Oqartussanut immikkut ittumik isumaqatigiissusiorumasinnaavoq.

Tamanna Sullissivik innuttaasunullu "qarasaasitigut" aaqqiinerit pillugit suleqatigiinnernut kiisalu pisortatigoortumik qarasaasianik ataatsimut suliniummut ERP-imut tunngassuteqarpoq.

Aqutsinerimut inatsimmi § 68 naapertorlugu kommunimi sulisut akissarsiassa atorfinitisneqartarnerminnilu atugassa at pillugit Naalakkersuisut aamma KANUKOKA isumaqatiginniartarput.

Taamaattumik kommuninammineerluni Naalakkersuisunit isumaqatiginninniarsinnaasariaqarpoq. Taamaattoqassappalli Naalakkersuisut Kommuneqarfik Sermersuumut toqqaannartumik isumaqatiginninniarusussuseqartariaqarput immikkullu ittumik isumaqatigiissusiorsinnaapput imaluunniit pisariaqartinneqartumik inatsisinik allannguisinnaallutik. Tamanna Naalakkersuisunit kissaatigineqanngippat Naalakkersuisut KANUKOKA-llu isumaqatigiissutigisaat kommunimut sunnuteqarfiusinnaanngitsumik KS-imut maleqquneqassapput. Matuma qulaani akissarsiassat atorfinitisitaanernilu atugassarititaasunut tunngatillugu ajornartorsiutit paasiuminaapput taamaattumillu kommunip eqqartuussissuserisuanit nalilersuiffigineqassallutik.

### **Inassuteqaat**

Borgmesterip allatseqarfianit Aningaasaqarnermut ataatsimiititamut inassuteqaatigineqarpoq:

- Ilisimatitsissut Aningaasaqarnermut ataatsimiititap tusaatissatut tigussagaa.

## **SSuliassamik saqqummiussineq**

Kommuneqarfik Sermersuup KANUKOKA-mit ilaasortaajunaarnissaanik aalajangenera tunngavigalugu Borgmesterip allatseqarfiani sulisut kommunip ilaasortaajunnaarnerani kingunerisassanik qulaajaasimapput.

2015-imi juunip ulluisa aqqarngani suliassamik saqqummiussinermi KANUKOKA-mit ilaasortaajunnaarnermi kommunimut kingunerisassanik ingerlatsiviit nalilersuinerinik qulaajaaneq pillugu Aningaasaqarnermut ataatsimiititaq saqqummiussiffigineqarpoq. Tassunga tunngatillugu ingerlatsivinni sulisut kvartalit sisamaanni Aningaasaqarnermut ataatsimiititamut ilisimatitsissutissanik kingunerisassanik pilersaarusiqquneqarput.

Ilanngussami 1-imi ingerlatsiviit KANUKOKA-mut attuumassuteqarnerannut aamma ilaasortaajunnaarnermi kingunerisassanik nalilersuinerannut takussutissiisoqarpoq.

Kommuneqarfik Sermersuup KANUKOKA-mit ilaasortaajunnaarnerani KS-imut kingunerisassat pillugit allattukkat naapertorlugit ilaasortaajunnaarnermi kingunerisassat annertunerusumik pingaaruteqarpallaanngitsut nalillersorneqarnerinik nalunaarsukkat takukkit. Suleqatigiinnerit amerlanersaat attaveqaatit ataatsimiittarnerusut ikorfartoqatigiittarnerusullu takutinneqarput. Naak KANOKUKA-mit ilaasortaajunnaaraluarluni kommuninut allanut attaveqaannarneq akornutissaqanngilaq. Tamanna pillugu tigussaasumik pilersaarusiortoqartariaqanngitsoq nalilerneqarpoq.

Tusarniaanerni akuliutitsinerit pillugit apeqqutinut tunngatillugu Kommuneqarfik Sermersooq – allatulli – KANUKOKA attuumassuteqarfiginagu tusarniaanermut peqataasinnaavoq. .

KANUKOKA-mi suleqatigiinnikkut pissutsit iluaqutigalugit kommunimit Namminersorlutik Oqartussanut isumaqatigiissusiornissaq qinnuteqaatigineqarsinnaavoq. Tamakku tullinnguuttunut ukununga tunngassuteqarput:

- KS innuttaasunut "qarasaasiatigut" aaqqiissutit pillugit Sullissivimmi suleqatigiinnermut suli ilaavoq.
- KS pisortatigoortumik ataatsimut qarasaasianik suliniutip ERP-ip ilaanut suli peqataavoq.

Akissarsiassat pillugit isumaqatiginninniarsinnaatitaaneq Kommuneqarfik Sermersuomit KANUKOKA-mut tunniunneqarnikuuvoq. Tassunga tunngatillugu uppernarsaatit Aningaasaqarnermut allatseqarfimmit pissarsiariniarneqarput, tassami akissarsiassat pillugit isumaqatiginninniarsinnaatitaanerup tunniunneqarnera tamanna atorunnaarsinneqartussaammat. Tamatuma kingorna tunngaviumik Kommuneqarfik Sermersooq akissarsiassat atorfinitsitaanerilu atugassarititaasut pillugit toqqaannartumik Namminersorlutik Oqartussanut isumaqatiginniniarsinnaavoq. Kingullertut taaneqartumi ajornartorsiutit kommunimi eqqartuussissuserisumit nalillersorneqartussaapput.

### *Aaqqiissutissatut siunnersuutit – suliatigut naliliineq*

Kommuneqarfik Sermersuup KANUKOKA-mit ilaasortaajunnaarnerani KS-imut kingunerisassat pillugit allattukkat naapertorlugit ilaasortaajunnaarnermi kingunerisassat annertunerusumik pingaaruteqarpallaanngitsut nalilerneqarpoq. Suleqatigiinnerit amerlanersaat attaveqaatit ataatsimiittarnerusut ikorfartoqatigiittarnerusullu takutinneqarput. Periarfissat tamakku attuumassutini allani ujartorneqarsinnaapput aamma tamanna pillugu KANUKOKA-mut ilaasortaaginnarnissaq piumasaqaataanngilaq.

*Aningaasatigut sulisoqarnikkullu naliliineq*

KANUKOKA-mit ilaasortaajunnaarnermi aningaasatigut kingunerisassanik tigussaasunik naatsorsuisoqarsimanngilaq.

*Inatsisitigut tunngavissat allakkallu tunngaviusumik uppernarsaatitallit*

Kommuneqarfik Sermersuup KANUKOKA-mit ilaasortaajunnaarnera peqatigiiffimmi ileqqoreqqusanut naapertuuppoq aamma allanik inatsiseqanngilaq kommunip peqatigiiffimmut ilaasortaanissaanut akornutaasinnaasunik.

*Ingerlariaqqinnissaq*

Oqaaseqaateqartoqanngilaq.

**Aningaasaqarnermut Allatseqarfimmit oqaaseqaatit**

Aningaasaqarnermut allatseqarfimmit oqaaseqaateqartoqanngilaq.

**ilanngussaq**

1: Ingerlatsivimmit KANUKOKA-mut attuumassutinut takussutissaq.